



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 10. Correctionis alia motiva.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

damnatio est. Et hic enim luit pœnas temporales, ibi experietur æternas. S. Chrysoft. hom. de Job.

§. X.

Corrèctionis alia motiva.

Surge, invoca Deum tuum. Jon. 1. 6. Nauta omnes, & peregrini, exortâ gravissimâ tempestate percussî, properârunt vela demittere, exonerare navim; urgere remos, ligare rudentes, plangere, clamare, suspirare. Quid interea Jonas verè reus? in fundo quasi-fatae navis altum, & tranquillè, dormiebat: nec undarum mugitu, nec tonitruorum, remigum clamoribus excitatus. *Dormiebat sopore gravi*, adeò, ut Navarchus ipse cogere- tur compellare dormientem: *Surge &c.* Si quis illi similis iratò cœlò stertit, ob delicta non conteritur, peccata peccatis accumulât; edocete me: ego mox accurram, eumque Zelosi illius, & prudentis, navarchi verbis excitabo: *quid tu sopore deprimeris? Surge &c.* Segneri f. 15. die Ven. D. 2.

Nequaquam grave est, plagis affici; sed plagâ meliorem non fieri, gravius, & acerbius est. S. Gregor. Naz. or. 26. in plag. grand.

§. XI.

Ex pœna aliena time corrigere.

Num. 1.

Exempla, & testimonia.

O Mnis, qui occiderit Cain, septuplum punietur. Gen. 4. 15. S. Chrysoft. hom. 19. in Gen. *nequaquam ita fiet*: relinquam te posteritati magistrum; ut tui spectaculum illi sit admonitio, & castigatio; nullûsq; exemplum tuum sequatur. Illa in toto vitæ tuæ decursu resolutio nervorum posteritati utilis erit: & id, quod solus, nullò præfente, operatus es, hoc discant omnes, qui gementem, & trementem, videbunt; & quasi per corpus tremorem clamantem, & omnibus dicentem: nullus talia audeat, qualia ego; nè in eandem pœnam incidat. Paoletti D. 20. Pent.

Viderunt Egyptios mortuos - timuitque populus Dominum. Exod. 14. 31. Vides Israel, Deum esse tuum protectorem, hostes mersos; & times? gaude potius. Oleaster: qui propter nos destruit inimicos, nos etiam suffocabit; si ex amicis inimici fiamus. Sylveira in Joan. 16. 11.

Lapidibus eum obruet (filium contumacem) *populus civitatis.* Addit rationem: *ut auferat is malum de medio vestri; & universus Israel audiens pertimescat.* Deut. 21. 21.

Iratûsque est indignatione Dominus contra Ozam: qui mortuus est ibi juxta arcam Dei - Extimuit David Dominum in die illa. 2. Reg. 6. 7. 9.

Pestilente flagellatò stultus sapientior erit. Prov. 19. 25. Coeditur canis, ut pavescat leo: & qui suâ injuriâ exasperatur coercetur alienâ, alteriusque exemplò frangitur. S. Ambrosi, l. 2. de Abel, & Cain. Tradit Albertus

M. l. de animalib. in serpente: quòd si quis serpentem occidat, vel comburat; ejus factore perceptò fugere reliquos serpentes; quasi timentes, nè idem sibi contingat: & hoc esse singulare remedium, ad purgandum locum serpentibus infestum. Sic nos sapere jubet Salomon; ut dum flagitiosus à Deo plectitur, flagitium omne caveamus: Cornelius hic.

Factus est timor magnus. Act. 5. 10. II. mortuò Ananiâ, & Saphirâ.

Peccantes coram omnibus argue; ut eorum timorem habeant. 1. Tim. 5. 20. Sicut meliores sunt, quos dirigit amor; ita plures sunt, quos corrigit timor. S. August. ep. 50. ad Bonifacium.

Aliorum tormenta aliorum remedia sunt: cumque punitur homicida, recepit quidem ipse, quod fecit; sed alii deterrentur à scelere. S. Hieron. in c. 3. Jerem.

Consideremus admirabilem operum DEI dispositionem: qui quasi ædium terribilem, posuit timorem, ad custodiendum introitum, & exitum, operum suorum: ut, quisquis ad cognoscendum Deum ingreditur; & in introitu inveniat, cur valde timeat, & in exitu audiatur, quid multò maxime contremiscat, S. Rupertus de operib. Spir. S. In introitu puniti; in exitu punientur mali homines.

Num. 2.

Non correcti alienâ.

Nunc igitur maledictus eris super terram. Gen. 4. 11. Major pœna infligitur Caino, quàm Adamo: quia & illius peccatum longè gravius; & quia debuisset, malò parentum edoctus, Dei legem non pravariari; quos noverat idcirco paradiso exclusos. Fernandus hic.

Cum audisset Jabin Rex Asor. Jos. 11. 1. post plures civitates à Josue expugnatas, bella nihilominus movet. *Nisit ad Jocab regem Madon &c.* O imprudentem, qui alienò damno non sapuit. Naxera hic §. 6.

Vicisti Sorores tuas peccatis tuis. Ezech. 16. 52. ait Deus ad Solymam. Quomodo Solyma Deo sacra peccavit gravius, quàm Samaria & Sodoma? nonne Sorores à Fide semper alienæ? Non itè Judæa; sed à fororum calamitatibus sanam Solyma non hausit mentem. Sic Theodoretus hic: cum nôris, quæ illi ausi sunt, & illatas ipsis calamitates; nihilominus delinquere perseveras. Velloso in Judith. 3. 1. Paræn. 1.

Num. 3.

Pœnâ alienâ non correctus metuat graviores.

Omnis, qui occiderit Cain, septuplum punietur. Gen. 4. 15. quia primi homicidæ punitione tam gravia cadè est absteritus. Cornelius hic.

Septuplum ultio dabitur de Cain; de Lamech verò septuagesies septies. Gen. 4. 24. Cur Lamech pœnâ majori se dignum reputat? Cain primus homicida fratris justî, & Sancti; Lamech